

# FALTA UN SIMAN PA REDOBLACION DI PENSIOEN

ORANJESTAD (AAN): E bataya cu Pueblo y AVP mester a hiba pa nos grandinan haña parti di e riqueza cu nos pais tin awe, ta casi yega su punto culminante. Pa hopi aña e partido AVP for di den oposicion a entrega mocion, a skirbi, a marcha, a tene reunion y a protesta contra di e echo, cu mientras economia di Aruba tabata crece gracias na e proyecto-nan den turismo cu AVP a realiza, nos Pueblo mes a keda atras. Nos Pueblo a keda atras cu excepcion di esnan cu pa cinco aña tabata den gobierno y a malgasta 1000 milyon florin di Pueblo na cosnan cu nan no por a splica. Pero awor cu Aruba tin un gobierno di hende drechi, cu nan orea na curazon di nos Pueblo y cu a compromete su mes pa sana tur malo cu e partidonan MEP, PPA y ADN a bay laga den gobierno y den Pueblo, awor nos ta haña sa ta unda e placa di Pueblo a worde gempat. Awor tambe porfin nos grandinan por bay haña un entrada cu ta mas husto, cu

ta duna nan e oportunidad pa hasi mas cu djis paga nan recibonan.

**NO POR!:** Nos tur na Aruba ta corda con pa añanan largo e Gobiernonan di Nelson Oduber sosteni pa MEP, PPA y ADN a laga sa bon cla cu NO POR A AUMENTA E PENSIOEN DI NOS GRANDINAN !! No tabata por pasobra no tabatin placa. Hasta un di e lidernan den e gobierno aki a laga sa cu nos grandinan mester siña biba di loke nan ta haña awor. Sr. Henny Eman, tur disgusta di e forma arogante y falta di respet y amor pa nos grandinan cu e gobierno di Sr. Nelson Oduber tabata trata nos grandinan, a puntra sr. Nelson Oduber na television, si e si por biba di Afl. 350 pa luna. Re marcable ta cu e dia ey y te awe sr. Nelson Oduber no a duna un contesta. Pero mientrastanto a sigui gasta placa di Pueblo y te tuma medida ariba Pueblo, pa por sigui gasta placa. Pero NO POR a aumenta e pensioen

di biehez.

**AWOR SI!** Awor si por ! Awor si e ta bay socede. Awor cu Pueblo mes a scoge pa un CAMBIO y a pone un gobierno di hende drechi pa guia nos pais, nos ta wak cu awor si cosnan ta socede cu

pa añanan no tabata por. Y un di e cosnan cu ta bay socede y cu mester socede ta e aumento di pensioen di biehez di nos grandinan. Otro siman dialuna pa prome biaha nos grandinan por bay cobra e pensioen cu nan me-

ster a cobra hopi dia caba. Y si no tabata pa AVP, awe nan no lo ta cobra e pensioen redobla aki tampoco. Mester a bini e CAMBIO pa esey a socede. Y e CAMBIO tey AWOR SI!

## BISHITA DI MINISTRONAN CERCA VOORHOEVE

ORANJESTAD (AAN): E tres ministronan durante nan bishita na Hulanda, a bishita e oficina principal di KLM na Amstelveen, unda a ser hiba combersacion di un cooperacion entre KLM y Air Aruba. Aki a ser treci padilanti cu e gobierno Arubiano dentro di poco lo tin 95% di e accionnan (aandeelhouders) di Air Aruba, di cual e Gobierno di Aruba den e capital lo carga cu e debenan di Air Aruba keda saná y cu e compania atrobe lo ta den caminda di progreso y beneficio.

Asina mescos cu e Gobierno di Aruba y KLM ta mira esaki posible den un privatizacion, pa cual positivamente nan lo yega na un comprension y colaboracion pa tal.

Ganashi nan lo ser logra door di e companianan y e kambenan di hotel tin di ser yená, pa cual ta un comienzo di e compania su economia y e comienzo comercialmente.

Den e ultimo siman lo sigui papia den un cooperacionm riba e ruta Noord Atlantico, mescos tambe den e code

sharing, entrenamiento (training) di e personal, cooperacion di trabao conhunto riba e rutanen di SurAmerica, sistemanan di reservacion y tumamento di pasaheros den diferente direccion.

Ya caba anteriormente KLM a yega na un palabracion cu Air Aruba cu su mercado americano, Northwest Airlines. Di cual e intencion ta pa sigui cu e deliberacionnan y combersacionnan tal manera e ta den un ambiente sano y comprensible pa ambos.

### LABCO MEDICAL AND HOME-CARE SERVICES

Cabuyastr. 6, Ponton  
Tel. 26851 - 37156  
Panoord di Esso Ponton

Bo lugar pa  
HUUR Y BENTA  
di Producto Medico

- Habon special pa patient
- Producto pa Sterilisatie
- Producto pa Therapie Oxigeno
- Saco pa Urina (3 sorto)
- Exam y Vinyl Handschoen
- Cama Manual (rails y matras)
- Papagaai
- Walkers (3 sorto)
- Baston (garoti 4 pata)
- Po-Stoel (2 sorto)
- Aluminium Kruk
- Wandelstok
- Rolstoel (3 sorto)
- Bruki pa adulto
- Catheter (3 sorto)

NOS TA HUUR PA DIA,  
SIMAN OF LUNA. ENTREGA  
Y INSTALACION GRATIS !

**SPECIAL ONE TOUCH MONITOR SYSTEM**  
pa check diabetic  
AWOR SOLAMENTE Afl. 195.00

## H.A.V.A.=HOPI ARUBIANO VICTIMA ATROBE!!!

